

OPISYAL NA PAHAYAG

Hunyo 17, 2020

Pakikipag-ugnay: City of Long Beach Joint Information Center, 562.570.NEWS,
jic@longbeach.gov

Para sa Agarang Pahayag

Lungsod ng Long Beach Naglabas ng Inisyatibo sa mga Bukas na Kalye

Mga Koridor ay Sinara sa mga Sasakyan Upang Payagan ang Panlabas na Kainan at Paglaro

Long Beach, CA - Sa mga darating na linggo, ang Lungsod ng Long Beach magsisimula ng bagong programa sa bukas na mga kalye. Lilimitahan ng programa ang trapiko sa mga piling kalye, sa buong lungsod, at gagamitin ang mga lugar na ito para sa aktibong transportasyon tulad ng paglalakad, pagbibisikleta, at pag-access sa wheelchair.

“Binubuksan muli ng Long Beach ang ating ekonomiya at nakatuon kami sa pagtulong sa mga negosyo na gawin ito ng ligtas sa pamamagitan ng pag-aalok ng karagdagang panlabas na espasyo,” sabi ni Mayor Robert Garcia.

Ang paglikha ng inisyatibo ng mga bukas na mga kalye at paggagalugad ng mga paraan upang buksan ang mas maraming pampublikong espasyo sa buong lungsod ay nagbibigay daan para sa pagtaas ng mga panlabas na aktibidad, habang pinapanatili ang mga angkop na pisikal na pagdistansya na ayon sa kasalukuyang Utos ng Kalusugan. Ang mga pagsasara ng mga komersyal na koridor ay sumusuporta sa mga oportunidad para sa panlabas na aktibidad ng mga negosyo, tulad ng kainan, upang matulungang ang pagbawi ng ekonomiya. Ang mga pagsasara ng mga kalye ay nakatuon sa pagpapanatili, kahusayan, at mga alternatibong modalidad ng transportasyon, na inilaan upang mabawasan o maalis ang mga emisyon ng greenhouse gas habang inuuna at itinataguyod ang mga pagkakataon sa malusog na pamumuhay.

Ang Kagawaran ng Public Works (PW) ay nakipagtulungan sa mga opisina at distrito ng negosyo ng Konseho ng Lungsod upang makilala ang mga pangunahing kalye sa

kapitbahayan sa buong lungsod upang suportahan ang mga pagsisikap na ito. Ang mga kalye ay sarado araw-araw simula 9 a.m hanggang 5 p.m. Ang mga residente o mga negosyo na interesado sa isang nakalaang na lokasyon ng bukas na kalye sa kanilang lugar ay dapat bumisita sa longbeach.gov/GoActiveLB para sa karagdagang impormasyon.

Ang mga iminungkahing lokasyon ng mga bukas na kalye ay nasuri ng City Traffic Engineer para sa pagiging angkop at pagiging ligtas. Ang aprubadong pagsasara ng kalye ay patuloy na susuriin sa durasyon ng programa upang matiyak ang kaligtasan ng lahat ng mga gumagamit. Ang mga manggagawa ng PW ay makikipagtrabaho sa mga residente at negosyo sa isang patuloy na batayan upang maibalangkas ang mga aprubadong aktibidad at matugunan ang anumang mga alalahanin. Ang mga karatula ay ilalagay sa bawat lokasyon na may impormasyon na kaugnay sa mga aprubadong aktibidad at limitadong pag-access.

Ang pag-access sa kapitbahayan para sa mga residente ay hindi maaapektuhan bilang resulta ng programang ito. Inaasahang magpapatuloy ang mga pagsasara ng mga kalye hanggang Oktubre 31, 2020.

Tungkol sa Lungsod ng Long Beach

Tahanan ng humigit-kumulang na 470,000 katao, ang maramihang award-winning at makabagong Lungsod ng Long Beach ay nag-aalok ng lahat ng mga world-class na amenidad ng isang malaking metropolitan na lungsod habang nagpapanatili ng isang pakiramdam ng indibidwal at magkakaibang kapitbahayan na magkakasama sa baybayin ng California. Bilang isang buong-serbisyong charter na lungsod, ang Long Beach ay tahanan ng Queen Mary, Aquarium of the Pacific, maraming mga museo at sinehan, isang mataas na rating na school distrito, Long Beach Airport, ang Port of Long Beach, pati na rin ang mga award-winning na kagawaran ng Lungsod kabilang ang Kalusugan, Parke, Recreation at Marine, Development Services at iba pa. Ang Lungsod ay mayroon ding iginagalang na unibersidad at kolehiyo ng lungsod, dalawang makasaysayang rancho, limang ospital, limang golf course, 171 parke, milya ng mga beach, mga marina, landas ng bisikleta, at isang Bike Share na programa.

Para sa karagdagang impormasyon tungkol sa Lungsod ng Long Beach, bumisita sa <http://longbeach.gov/>. Sundan kami sa social media upang malaman ang pinakabagong balita: [Facebook](#), [Twitter](#), [Instagram](#), at [YouTube](#).

Para sa pinakabagong impormasyon sa COVID-19, at mga detalye sa lahat ng ginagawa ng Lungsod ng Long Beach upang mapanatiling ligtas ang aming mga residente, bumisita sa: longbeach.gov/COVID19 at sundan ang @LongBeachCity sa Facebook, Twitter at Instagram.

###